

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 138. sjednici, održanoj dana 20.01.2022. godine, d o n o s i

## **ZAKLJUČAK**

### **o davanju ovlaštenja premijeru Zeničko-dobojskog kantona za potpisivanje Sporazuma o visini naknade za topli obrok, za radnike u javnim obrazovnim ustanovama i ustanovama kulture na području Zeničko-dobojskog kantona**

#### **I.**

Ovlašćuje se premijer Zeničko-dobojskog kantona da u ime Vlade Zeničko-dobojskog kantona potpiše Sporazum o visini naknade za topli obrok, za radnike u javnim obrazovnim ustanovama i ustanovama kulture na području Zeničko-dobojskog kantona, sa predsjednicima Samostalnog sindikata osnovnog obrazovanja i odgoja i Sindikata srednjeg i visokog obrazovanja, odgoja, nauke i kulture, za period od 01.01.2022. godine do 31.12.2022. godine, a čiji prijedlog je u prilogu ovog Zaključka.

#### **II.**

Ovaj Zaključak stupa na snagu danom donošenja.

Broj: 02-\_\_\_\_\_/22  
Datum, 20.01.2022. godine  
Zenica

**PREMIJER**  
**po ovlaštenju**

*Spahija Kozlić*

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Ministarstvo finansija,
- 1x Samostalni sindikat osnovnog obrazovanja i odgoja,  
putem Ministarstva za obrazovanje, nauku, kulturu i sport,
- 1x Sindikat srednjeg i visokog obrazovanja, odgoja, nauke i kulture,  
putem Ministarstva za obrazovanje, nauku, kulturu i sport,
- 1x a/a.

**SPORAZUM VLADE ZENIČKO-DOBOJSKOG KANTONA I SAMOSTALNOG  
SINDIKATA OSNOVNOG OBRAZOVANJA I ODGOJA I SINDIKATA SREDNJEG  
I VISOKOG OBRAZOVANJA, ODGOJA, NAUKE I KULTURE**

**Član 1.**  
**(Predmet Sporazuma)**

Vlada Zeničko-dobojskog kantona, koju zastupa premijer Vlade Mirnes Bašić, i predsjednici Samostalnog sindikata osnovnog obrazovanja i odgoja, Selvedin Šatorović i Sindikata srednjeg i visokog obrazovanja, odgoja, nauke i kulture, Đevad Hadžić, (u daljem tekstu: strane potpisnice), sporazumjele su se o utvrđivanju visine naknade za topli obrok u javnim obrazovnim ustanovama i ustanovama kulture na području Zeničko-dobojskog kantona, u skladu s odredbama Kolektivnog ugovora za djelatnost osnovnog/srednjeg obrazovanja za teritorij Zeničko-dobojskog kantona („Službene novine Zeničko-dobojskog kantona“, broj: 20/20, 6/21) i Kolektivnog ugovora za djelatnost visokog obrazovanja za teritorij Zeničko-dobojskog kantona („Službene novine Zeničko-dobojskog kantona“, broj: 20/20).

**Član 2.**  
**(Utvrđivanje visine naknade za topli obrok)**

Strane potpisnice usaglasile su se da visina naknade za topli obrok radnika u obrazovanju i ustanovama kulture na području Zeničko-dobojskog kantona iznosi 8,00 KM, a koja će se primjenjivati počev od 01.01.2022. godine do 31.12.2022. godine.

**Član 3.**  
**(Stupanje na snagu)**

Sporazum stupa na snagu danom potpisivanja od strana potpisnica.

**Broj: 10-30-14031-03/21**

**Zenica, 12.01.2022. godine**

PREMIJER

*Mirnes Bašić*

PREDSJEDNIK SSVOONK ZDK

*Đevad Hadžić*

PREDSJEDNIK SSOOIO ZDK

*Selvedin Šatorović*